



Посланици у Представничком дому ПСБиХ дали свечану изјаву

Istražna komisija za utvrđivanje trošenja donatorskih sredstava Predstavničkog doma PSBiH usvojila izvještaj – Komisija nailazila na opstrukcije

Članovi Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH razgovarali s komesarom za ljudska prava Vijeća Evrope Thomasom Hammarbergom


Održana sjednica Vijeća nacionalnih manjina BiH- Dervo Sejdić podnio novu tužbu Evropskom sudu za ljudska prava

Prezentirani Strateški plan Tajništva i Komunikacijska strategija PSBiH za razdoblje od 2011. do 2014.

Na konstituirajućoj sjednici zastupnicima podijeljen Vodič

Održane obuke za korištenje EBSCOhost baza podataka

Ujednačeno plaćanje poreza za zaposlene u Tajništvu PSBiH iz Federacije BiH i Republike Srpske



Parlamentarna skupština
Bosne i Hercegovine
Sekretarijat PSBiH
Informaciono - dokumentacioni sektor

Za izdavača:
Aljoša Čampara
sekretar Zajedničke službe PSBiH

Glavna urednica:
Lejla Tafro-Sefić,
rukovodilac Indok sektora

Urednik biltena:
Omar Filipović

Saradnik na pripremi biltena:
Edin Isanović

Korektor:
Edin Isanović

Uz INDOK, sarađivali:
Sektor za međunarodne odnose i protokol
Sektor za odnose s javnošću
Sektor za opće poslove

Lektori:
Lejla Nuhodžić
Tamara Čapelj
Aleksandra Aginčić

Design/DTP:
Omar Filipović

Štampa:
Štamparija Fojnica d.d.

Izdanja Parlamentarne skupštine BiH

Godina IV
Bilten br. 5
Sarajevo, 2010. godine

ISSN 1840 - 3166

SADRŽAJ

PREDSTAVNIČKI DOM

- ☐ Poslanici u Predstavničkom domu PSBiH dali svečanu izjavu

4

MEĐUNARODNE AKTIVNOSTI

- ☐ Aktivnosti delegacija PSBiH
- ☐ Posjete Parlamentarnoj skupštini BiH

6

DOGAĐAJI

- ☐ Članovi Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH razgovarali s komesarom za ljudska prava Vijeća Evrope Thomasom Hammarbergom
- ☐ Održana sjednica Vijeća nacionalnih manjina BiH – Dervo Sejdić podnio novu tužbu Evropskom sudu za ljudska prava
- ☐ Istražna komisija za utvrđivanje trošenja donatorskih sredstava Predstavničkog doma PSBiH usvojila izvještaj – Komisija nailazila na opstrukcije
- ☐ Delegacija Vijeća nacionalnih manjina BiH boravila u studijskoj posjeti Srbiji
- ☐ Predsjedavajući Vijeća nacionalnih manjina BiH susreo se sa šefom Odjela za ljudsku dimenziju Misije OSCE-a u BiH
- ☐ Aktivnosti parlamentarnog vojnog povjerenika
- ☐ Održana 4. sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije
- ☐ Održana 10. sjednica Nezavisnog odbora
- ☐ Održana 3. sjednica Nezavisne komisije

7

AKTUELNOSTI IZ SEKRETARIJATA

- ☐ Prezentirani Strateški plan Sekretarijata i Komunikacijska strategija PSBiH za period od 2011. do 2014.
- ☐ Odštampana dopunjena izdanja poslovnika oba doma PSBiH
- ☐ Na konstituirajućoj sjednici poslanicima podijeljen Vodič
- ☐ Održane obuke za korištenje EBSCOhost baza podataka
- ☐ Povezuju se intranet, dokumentacijske aplikacije i veb-stranica PSBiH
- ☐ Ujednačeno plaćanje poreza za zaposlene u Sekretarijatu PSBiH iz Federacije BiH i Republike Srpske

11

POSŁANICI U PREDSTAVNIČKOM DOMU PSBiH DALI SVEČANU IZJAVU

Iako su opći izbori u BiH održani 3. oktobra 2010., još se nisu stekli politički uslovi za formiranje vlasti na državnom nivou, a samim tim ni izbor Kolegija Predstavničkog doma Parlamentarne skupštine BiH. Konstituirajuća sjednica Predstavničkog doma počela je 30. novembra. Nakon što su poslanici dali svečane izjave, sjednica je prekinuta. Nastavak konstituirajuće sjednice, planiran za 22. decembar, nije održan zbog nepostojanja kvoruma. Pregovori stranaka zastupljenih u Parlamentarnoj skupštini BiH još su u toku, ali još nije izvjesno koje će stranke formirati većinu. Novi radno-konsultativni sastanak zakazan je za 11. januar.

Konstituirajuća sjednica Predstavničkog doma PSBiH

Konstituirajućoj sjednici Predstavničkog doma prethodio je radno-konsultativni sastanak Kolegija Predstavničkog doma i predstavnika političkih stranaka, koji je održan 10. novembra. Tom prilikom dogovoreno je da se konstituirajuća sjednica Predstavničkog doma Parlamentarne skupštine BiH u sazivu 2010.-2014. godine održi 30. novembra 2010., u 12 sati. Učesnici sastanka dogovorili su se da podrže i intenziviraju političko dogovaranje stranaka o formiranju parlamentarne većine kako bi proces uspostavljanja vlasti bio brži.

Na samoj konstituirajućoj sjednici Predstavničkog doma Parlamentarne skupštine BiH, koja je počela 30. novembra, poslanici su dali svečanu izjavu, nakon čega je sjednica prekinuta. U skladu s dogovorom članova aktuelnog Kolegija Predstavničkog doma Parlamentarne skupštine BiH i predstavnika političkih stranaka zastupljenih u Predstavničkom domu, jednoglasno je usvojen zaključak da se nastavak sjednice održi 22. decembra 2010. godine.

Osim davanja svečane izjave, za konstituirajuću sjednicu planirane su sljedeće tačke dnevnog reda: izbor predsjedavajućeg, prvog zamjenika predsjedavajućeg i drugog zamjenika predsjedavajućeg Predstavničkog



doma, te članova Komisije za pripremu izbora Vijeća ministara BiH.

Inače, sjednicu je, u skladu s Poslovnikom Predstavničkog doma Parlamentarne skupštine BiH, u funkciji privremenog predsjedavajućeg, vodio Adnan Bašić, najstariji izabrani poslanik u novom sazivu.

„Ja sam ovo prihvatio sa zadovoljstvom. Izuzetna mi je čast i ovo je prvi put u historiji Parlamenta BiH, od dejtonskog mira do danas, da jedna osoba kao što sam ja, ne samo da je poslanik u ovom parlamentu, nego, evo, sticajem okolnosti i prvi privremeni predsjedavajući. Ovo još jednom govori da smo mi spremni za Evropu jer se na ovaj način izuzetno cijene i poštuju prava i Konvencija UN-a o pravima osoba s invaliditetom, zbog čega iskreno pohvaljujem sve one koji su u svemu ovome učestvovali“, rekao je Adnan Bašić, te dodao: „Kao što vam je poznato, po Ustavu BiH i Izbornom zakonu BiH, ovaj dom čine 42 izabrana poslanika. Od toga s teritorije Federacije BiH 28, a s teritorije RS-a 14 poslanika. Kao privremeni predsjedavajući iskoristit ću ovu priliku da sve goste iskreno pozdravim i zahvalim im na dolasku, da svim izabranim poslanicima čestitam i zaželim uspješan rad u mandatu od četiri godine.“

Sjednici su, osim novih poslanika, prisustvovali i lideri političkih stranaka u BiH, članovi Predsjedništva BiH Bakir Izetbegović i Željko Komšić, visoki predstavnik za BiH Valentin Inzko i ambasador SAD-a u BiH Patrick Moon i drugi visoki gosti.

Tadić i Lončar novi delegati u Domu naroda do izbora novog saziva

Dušanki Majkić i Boži Ljubiću prestat je mandat u Domu naroda, jer su izabrani za poslanike u Predstavničkom domu Parlamentarne skupštine BiH. Centralna izborna komisija BiH dodijelila je mandat Savi Lončaru kao sljedećem kvalificiranom kandidatu za izbor delegata iz srpskog naroda iz Republike Srpske i mandat Marku Tadiću koji je sljedeći kvalificirani kandidat za izbor delegata iz hrvatskog naroda iz Federacije BiH.



Nakon obraćanja privremenog predsjedavajućeg, sekretar Predstavničkog doma Parlamentarne skupštine BiH Branka Todorović pročitala je imena poslanika koji će činiti peti saziv ovog doma, a oni su:

Iz Federacije BiH

Socijaldemokratska partija BiH – Danijela Martinović, Denis Bećirović, Hamdija Lipovača, Mirsad Mešić, Mirza Kušljagić, Nermina Zaimović-Uzunović, Saša Magazinović i Zlatko Lagumdžija
Stranka demokratske akcije – Amir Fazlić, Asim Sarajlić, Salko Sokolović, Senad Šepić, Šefik Džaferović, Šemsudin Mehmedović i Zijad Jagodić
Savez za bolju budućnost BiH - SBBiH Fahrudin Radončić – Adnan Bašić, Emir Kabil, Ismeta Dervoz i Mirsad Đugum
Hrvatska demokratska zajednica BiH – Dragan Čović, Mato Franjičević i Niko Lozančić
Stranka za BiH – Azra Hadžiahmetović i Beriz Belkić
Hrvatska koalicija HDZ 1990 - HSPBiH – Božo Ljubić i Zvonko Jurišić
Narodna stranka Radom za boljitak – Mladen Ivanković Lijanović
Demokratska narodna zajednica DNZBiH – Nermin Purić

Iz Republike Srpske

Savez nezavisnih socijaldemokrata – SNSD Milorad Dodik – Dušanka Majkić, Drago Kalabić, Slavko Jovičić, Milica Marković, Lazar Prodanović, Milorad Živković, Nikola Špirić i Boško Tomić
Srpska demokratska stranka – Darko Babalj, Aleksandra Pandurević, Mladen Bosić i Borislav Bojić
Partija demokratskog progresa – Vesna Krstović-Spremo
Demokratski narodni savez – Petar Kunić

Nastavak konstituirajuće sjednice – bez kvoruma

Nastavak konstituirajuće sjednice Predstavničkog doma Parlamentarne skupštine BiH nije održan 22. decembra zbog nepostojanja kvoruma, ali je održan sastanak predstavnika političkih stranaka zastupljenih u Predstavničkom domu Parlamentarne skupštine BiH, kojim je predsjedavao privre-

meni predsjedavajući Doma Adnan Bašić. Dogovoreno je da će se naredni radno-konsultativni sastanak predstavnika parlamentarnih stranaka održati 11. januara 2011. Tom prilikom trebalo bi da bude utvrđen termin nastavka konstituirajuće sjednice Predstavničkog doma.

Aktivnosti delegacija Parlamentarne skupštine BiH

Od 3. do 6. novembra, Bratislava, seminar u organizaciji Nacionalnog demokratskog instituta (NDI) o temi: „Parlamentarni nadzor nad radom vlade“ - u ime Parlamentarne skupštine BiH učestvovali su: Ljiljana Miličević, Šefik Džaferović, Nermine Zaimović-Uzunović i Lazar Prodanović

5. i 6. novembar, Istanbul, Međunarodni sastanak žena „WOMANist“ - Parlamentarnu skupštinu BiH predstavljala je Azra Alajbegović

7. novembar, Baku - član Delegacije Parlamentarne skupštine BiH u Parlamentarnoj skupštini OSCE-a Šemsudin Mehmedović posmatrao parlamentarne izbore u Azerbejdžanu

7. i 8. novembar, Budva - članovi Zajedničke komisije za odbranu i sigurnost Branko Zrno i Adem Huskić učestvovali su na 11. sastanku Cetinskog parlamentarnog foruma

Od 7. do 9. novembra, Otava, Konferencija o borbi protiv antisemitizma - Parlamentarnu skupštinu BiH predstavljao je Ilija Filipović, član Kolegija Doma naroda

Od 9. do 11. novembra, Pariz, Interparlamentarni forum za nauku, tehnologiju i inovacije za mediteranski region, održan u organizaciji UNESCO-a i Parlamentarne skupštine Mediterana – u ime Parlamentarne skupštine BiH učestvovala je Dušanka Majkić, član Kolegija Doma naroda

Od 11. do 17. novembra, Varšava, Godišnje zasjedanje Parlamentarne skupštine NATO-a na kojem su učestvovali Milorad Živković i Ivo Miro Jović

16. novembar, Pariz - članovi Delegacije Parlamentarne skupštine BiH u Parlamentarnoj skupštini Vijeća Evrope Alma Čolo i Ljiljana Miličević prisustvovala su sastanku Monitoring komiteta Parlamentarne skupštine Vijeća Evrope

16. novembar, Brisel - Božo Ljubić i Mladen Ivanić prisustvovali su konferenciji Evropske narodne stranke „Balkan u srcu Evrope“

Od 25. do 28. novembra, Beč - članovi Delegacije Parlamentarne skupštine BiH u Parlamentarnoj dimenziji Centralnoevropske inicijative učestvovali su na Godišnjem zasjedanju Parlamentarne skupštine Centralnoevropske inicijative

Posjete Parlamentarnoj skupštini BiH

22. novembar, sastanak članova Kolegija Predstavničkog doma (Beriz Belkić i Niko Lozančić) s Pietrom Marcenarom, izjaviocem Političkog komiteta Parlamentarne skupštine Vijeća Evrope

3. decembar, sastanak poslanika i delegata Parlamentarne skupštine BiH s političkim i sigurnosnim odborom Evropske unije



Ilija Filipović, član Kolegija Doma naroda, na konferenciji u Otavi

Članovi Zajedničkog povjerenstva za ljudska prava, prava djeteta, mlade, useljeništvo, izbjeglice, azil i etiku PSBiH razgovarali s Thomasom Hammarbergom, povjerenikom za ljudska prava Vijeća Europe

POVJERENIK ZA LJUDSKA PRAVA VIJEĆA EUROPE NADA SE DA ĆE PRESUDA U PREDMETU SEJDIĆ-FINCI INICIRATI RAZGOVORE I PROMJENE

Prvi zamjenik predsjedateljice Zoran Koprivica, drugi zamjenik predsjedateljice Ivo Miro Jović, članica Zajedničkog povjerenstva za ljudska prava, prava djeteta, mlade, useljeništvo, izbjeglice, azil i etiku PSBiH Alma Čolo i članovi Vijeća nacionalnih manjina BiH razgovarali su 29. studenoga s Thomasom Hammarbergom, povjerenikom za ljudska prava Vijeća Europe.

Prvi zamjenik predsjedateljice Zoran Koprivica rekao je da je Bosna i Hercegovina opredijeljena za zaštitu i ostvarenje ljudskih prava, pri čemu je važno jačati institucionalne mehanizme za zaštitu ljudskih prava, dok je Nedžad Jusić, predsjedatelj Vijeća nacionalnih manjina BiH, upoznao povjerenika Hammarberga s radom Vijeća. G. Jusić je apos-

trofirao da je u tijeku izrada Strategije o pitanjima nacionalnih manjina, pri čemu Vijeće nacionalnih manjina BiH radi zajedno s Misijom OEES-a i Ministarstvom za ljudska prava i izbjeglice BiH.

G. Hammarberg na sastanku je rekao da je BiH ratificirala sve relevantne povelje koje se odnose na zaštitu i promicanje ljudskih prava, uključujući i Protokol 12 koji se odnosi na zabranu svih oblika diskriminacije, ali je prisutan problem u praktičnoj provedbi dokumenata. "Nadam se da će presuda Suda za ljudska



prava u Strasbourgu u predmetu Finci-Sejdić inicirati razgovore i promjene koje će voditi k većem stupnju poštivanja ljudskih prava u vašoj zemlji", istaknuo je g. Hammarberg.

Održana sjednica Vijeća nacionalnih manjina

DERVO SEJDIĆ PODNIO NOVU TUŽBU EUROPSKOM SUDU ZA LJUDSKA PRAVA

Na 15. sjednici Vijeća nacionalnih manjina BiH, održanoj 4. studenoga, razmatrana je izrada Plana rada i financijskog plana Vijeća za 2011. godinu. Također je primljena k znanju je Informacija u kojoj se navodi da je Dervo Sejdić podnio novu tužbu Europskom sudu za ljudska prava u Strasbourgu. Tim povodom usvojen je zaključak kojim se strukturama vlasti u BiH preporuča da u idućem razdoblju za prioritet svoga rada imaju izvršenje presude Europskog suda za ljudska prava u Strasbourgu u predmetu Finci-Sejdić.

Usvojen je i zaključak o upućivanju dopisa domaćim i međunarodnim organizacijama kojim ih se obavještava da kandidiraju predstavnike u radnu skupinu zaduženu za finaliziranje teksta Memoranduma o suradnji između Vijeća nacionalnih manjina BiH i domaćih i međunarodnih organizacija koje se bave pitanjima zaštite prava pripad-

nika nacionalnih manjina. Nakon utvrđivanja konačnoga teksta bit će zakazan i poseban datum službenog potpisivanja Memoranduma.

U vezi s Informacijom OEES-a o sudjelovanju u projektu *Kaleidoskop: Upoznajte se! Nacionalne manjine u BiH*, usvojeni su zaključci o upućivanju pisma direktoru Odjela za obrazovanje OEES-a u kojem će se izraziti nezadovoljstvo ignorantskim odnosom prema Vijeću nacionalnih manjina BiH prilikom izrade određenih projekata, zbog čega Vijeće odbija kandidirati svoga predstavnika u OEES-ovo Povjerenstvo za odabir projekata.

Član Vijeća nacionalnih manjina BiH Tihomir Knežić zadužen je za izradu upitnika koji će poslužiti kao osnova za izradu analize o financijskoj potpori i suradnji udruga nacionalnih manjina s matičnim veleposlanstvima i državama.

Istražno povjerenstvo za utvrđivanje trošenja donatorskih sredstava Zastupničkog doma Parlamentarne skupštine BiH usvojilo izvješće

POVJERENSTVO NAILAZILO NA OPSTRUKCIJE

Sjednica Istražnog povjerenstva za utvrđivanje trošenja donatorskih sredstava Zastupničkog doma Parlamentarne skupštine BiH održana je 2. studenoga i na njoj je usvojeno Konačno izvješće o radu, koje će biti upućeno u daljnju parlamentarnu proceduru. Zadatak Istražnog povjerenstva bio je utvrditi stanje materijalnih i financijskih donatorskih sredstava u razdoblju od 1996. godine do dana podnošenja Izvješća.

U usvojenom je Izvješću, između ostaloga, konstatirano da su zahtjevi za dostavu podataka o donacijama poslani na 4.000 adresa, a zaprimljen je 1.371 odgovor. Istaknuto je da je tijekom svoga rada Povjerenstvo naišlo na određene opstrukcije, ignoriranje i nesuradnju.

IZASLANSTVO VIJEĆA NACIONALNIH MANJINA BiH BORAVILO U STUDIJSKOM POSJETU SRBIJI

Izaslanstvo Vijeća nacionalnih manjina BiH boravilo je 6. i 7. prosinca u studijskom posjetu Republici Srbiji. U izaslanstvu bili su: Nedžad Jusić, predsjedatelj Vijeća, Vasilija Ibrahimagić, druga zamjenica predsjedatelja Vijeća, Jovanka Manžalović Šalaka, članica Vijeća, Andrija Svatok, član Vijeća, i Neđeljko Tomašević, član Vijeća.

Cilj studijskoga posjeta bio je upoznati se sa zakonskim propisima kojima se osiguravaju i štite slobode i prava nacionalnih manjina u Republici Srbiji, te s praksom i iskustvima u neposrednom ostvarivanju prava manjina u Republici Srbiji.

Tijekom posjeta izaslanstvo Vijeća nacionalnih manjina BiH posjetilo je i imalo razgovore u: Nacionalnom savjetu romske nacionalne manjine, Odboru za međunarodne odnose Narodne skupštine Republike Srbije, Uredu zaštitnika građana (prijam kod Gorana Bašića – zamjenik zaštitnika



građana, zadužen za prava nacionalnih manjina), Ministarstvu za ljudska i manjinska prava u Vladi Republike Srbije i Uredu za

unapređenje položaja Roma pri Ministarstvu za ljudska i manjinska prava u Vladi Republike Srbije.

**Predsjedatelj Vijeća nacionalnih manjina BiH
susreo se s voditeljem Odjela za ljudsku dimenziju Misije OEES-a u BiH**

OBRAZOVANJE UTJEČE NA SMANJENJE PREDRASUDA

Predsjedatelj Vijeća nacionalnih manjina Nedžad Jusić sastao se 15. studenoga s Richardom Williamsom, voditeljem Odjela za ljudsku dimenziju Misije OEES-a u BiH. Tom prigodom razgovarali su o trenutačnim i budućim aktivnostima Misije OEES-a u BiH, s naglaskom na nastavak potpore usmjerene na položaj nacionalnih manjina u Bosni i Hercegovini i njegovo unapređenje kroz zajednički rad OEES-a i Vijeća nacionalnih manjina.

G. Jusić naglasio je da je posebna pozornost posvećena projektu *Kaleidoskop*, programu koji Misija OEES-a provodi u osnovnim školama diljem zemlje. Vijeće nacionalnih manjina BiH izrazilo je zainteresiranost za postizanje željenih rezultata i pozitivnih pomaka kroz partnerstvo i komunikaciju između Vijeća i Misije OEES-a, naročito kada su posrijedi aktivnosti na poboljšanju obrazovnog sustava Bosne i Hercegovine, jer formalni ali i neformalni obrazovni procesi, naglasio je Nedžad Jusić, imaju ogroman utjecaj na smanjenje predrasuda i stereotipa koje većina ima prema nacionalnim manjinama u Bosni i Hercegovini. Vijeće nacionalnih manjina BiH izrazilo je spremnost za suradnju i sudjelovanje kako u najnovijim tako i u svim drugim projektima Misije OEES-a u BiH.



Nedžad Jusić predsjedava sjednicom Vijeća nacionalnih manjina BiH



AKTIVNOSTI PARLAMENTARNOG VOJNOG POVJERENIKA

Parlamentarni vojni povjerenik Boško Šiljegović primio je 3. studenoga 22 polaznika ratne škole "Ban Josip Jelačić" Hrvatskog vojnog učilišta Oružanih snaga Republike Hrvatske koji borave u studijskom posjetu Bosni i Hercegovini.

Gosti koji se obrazuju u ratnoj školi za najviše vojne činove u hrvatskoj vojsci i policiji iskazali su interes za način funkcioniranja Ureda parlamentarnog vojnog povjerenika, kao prve institucije jedne države u regiji koja se sustavno bavi zaštitom prava uniformiranih vojnih osoba. Osim toga, željeli su saznati više i o načinu funkcioniranja i donošenju odluka u Parlamentarnoj skupštini BiH.

Parlamentarni vojni povjerenik primio je u

posjet i Zorana Stojiljkovića, vojnog atašea Republike Srbije u Bosni i Hercegovini, te ga tom prigodom upoznao s aktivnostima koje se poduzimaju s ciljem jačanja vladavine prava i zaštite ljudskih prava i sloboda vojnih osoba i kadeta u Oružanim snagama i Ministarstvu obrane BiH. Vojni atašea Republike Srbije izrazio je zadovoljstvo postojanjem Ureda, ali i veliki interes za dosadašnja iskustva u njegovom radu.

Na sastanku su sugovornici izrazili nadu da će Ured parlamentarnog vojnog povjerenika BiH biti od velike važnosti i za odnose dviju zemalja, osobito za one koji se ostvaruju u okviru suradnje Ministarstva obrane BiH i Ministarstva obrane Republike Srbije.

U povodu 1. prosinca, Dana Oružanih snaga BiH, parlamentarni vojni povjerenik uputio je čestitku Zajedničkom stožeru Oružanih snaga BiH i načelniku general-pukovniku Miladinu Milojeviću te Ministarstvu obrane Bosne i Hercegovine i ministru Selmi Cikotiću.

Od ostalih aktivnosti valja istaknuti da se Boško Šiljegović susreo s predstavnicima UNDP-a: Katy Thompson, višom stručnom savjetnicom za pravosuđe, Zacharyem Taylorom, stručnim savjetnikom za programiranje prevencije oružanog nasilja, te Thomasom Osorijem, višim stručnim savjetnikom za pravosuđe. Izaslanstvo UNDP-a izrazilo je zadovoljstvo što je u Bosni i Hercegovini uspostavljen Ured parlamentarnog vojnog povjerenika, te iskazalo svesrdnu podršku njegovom daljnjem radu. Istaknuto je kako se, s ciljem učinkovitijeg i kvalitetnijeg obavljanja aktivnosti, planira i potpisivanje sporazuma između Ureda parlamentarnog vojnog povjerenika i UNDP-a o kadrovskoj i tehničkoj pomoći radu Ureda.

Također, predstavnici UNDP-a izrazili su spremnost pomoći organiziranje regionalne konferencije o ljudskim pravima u Oružanim snagama BiH, radi upoznavanja zemalja regije sa značajem i ulogom Ureda kao i provedbom Zakona o parlamentarnom vojnom povjereniku BiH.

Boško Šiljegović sudjelovao na seminaru o temi „Kodeks ponašanja u vojnopoličkim aspektima sigurnosti“

Parlamentarni vojni povjerenik Boško Šiljegović sudjelovao je na seminaru o temi „Kodeks ponašanja u vojnopoličkim aspektima sigurnosti“, koji Misija OEES-a u BiH organizira u suradnji s Međuresornom radnom skupinom Vijeća ministara BiH za provođenje i obuku u području sigurnosne politike Bosne i Hercegovine.

Održavanjem seminara za osoblje sigurnosnog sektora u Bosni i Hercegovini, uključujući pripadnike policije, Granične policije, Obavještajno-sigurnosne agencije i Oružanih snaga BiH, želi se omogućiti uvid u načela Kodeksa.

Parlamentarni vojni povjerenik govorio je nazočnima o temi "Uloga parlamentarnog vojnog povjerenika".

Održana 4. sjednica Povjerenstva za izbor i praćenje rada Agencije za prevenciju korupcije i koordinaciju borbe protiv korupcije

OBAVLJENI INTERVJUI S 15 KANDIDATA ZA RAVNATELJA I DVA ZAMJENIKA RAVNATELJA AGENCIJE

Na 4. sjednici Povjerenstva za izbor i praćenje rada Agencije za prevenciju korupcije i koordinaciju borbe protiv korupcije, koja je održana 3. studenoga, obavljene su intervjui s 15 kandidata koji ispunjavaju uvjete utvrđene Javnim natječajem za imenovanje ravnatelja i dva zamjenika ravnatelja Agencije za prevenciju korupcije

i koordinaciju borbe protiv korupcije.

Na temelju bodovanja koje su obavili članovi Povjerenstva, Tajništvu Povjerenstva dostavljena je lista 15 uspješnih kandidata koji su se natjecali za mjesta utvrđena Javnim natječajem za imenovanje ravnatelja i dva zamjenika ravnatelja Agencije za prevenciju korupcije i koordinaciju

borbe protiv korupcije. Odlučeno je da do sljedeće sjednice Tajništvo sastavi prijedlog rang-liste uspješnih kandidata, koju će Povjerenstvo usvojiti na sljedećoj sjednici.

Nakon usvajanja, rang-lista uspješnih kandidata bit će upućena domovima Parlamentarne skupštine BiH na razmatranje i donošenje konačne odluke.

Održana 10. sjednica Neovisnog odbora

POTREBNO ŠTO PRIJE RIJEŠITI PITANJE TRAJNOG SMJEŠTAJA DIREKCIJE ZA KOORDINACIJU POLICIJSKIH TIJELA U BIH

Neovisni odbor Parlamentarne skupštine BiH razmatrao je na 10. sjednici, održanoj 5. studenoga, stanje sigurnosti u Bosni i Hercegovini. Članove Neovisnog odbora upoznali su s aktuelnim stanjem sigurnosti u Bosni i Hercegovini: ravnatelj Granične policije Vinko Dumančić,

ravnatelj Državne agencije za istrage i zaštitu Mirko Lujčić i ravnatelj Direkcije za koordinaciju policijskih tijela u BiH Himzo Selimović.

Na sjednici su pobrojane aktivnosti koje ova tijela provode s ciljem dostizanja što višeg stupnja sigurnosti u našoj državi, ali i naglašeni

problemi s kojima se susreću u obavljanju dužnosti. Apostrofirane su određene poteškoće koje se tiču sustava rada, ali i potpuna spremnost kada je u pitanju provođenje nadležnosti ovih policijskih tijela.

Naglašeno je potrebnim pristupiti osmišljavanju kadrovskih rješenja kao i rješenja određenih zakonskih propisa s ciljem kvalitetnijeg i učinkovitijeg obavljanja poslova. Ravnatelj Granične policije, Državne agencije za istrage i zaštitu i Direkcije za koordinaciju policijskih tijela u BiH istaknuli su dobru međusobnu saradnju, naglasivši i kvalitetnu suradnju s ostalim policijskim agencijama u Bosni i Hercegovini.

Nakon obavljenog razgovora članovi Neovisnog odbora zaključili su kako je potrebno da nadležne institucije poduzmu sve aktivnosti da bi se, u što skorije vrijeme, riješilo pitanje trajnog smještaja Direkcije za koordinaciju policijskih tijela u BiH. Također je odlučeno potrebnim ubrzati procedure za rješavanje svih normativnih odredaba i o zauzetim stavovima na sastanku upoznati sve nadležne institucije, kako bi se pristupilo rješavanju problema s kojima se susreću ove tri državne institucije.

Neovisni odbor PSBiH razmatrao informaciju o dostavljenim odgovorima kantonalnih ministarstava unutarnjih poslova

Na 11. sjednici Neovisnog odbora Parlamentarne skupštine BiH, održanoj 17. prosinca, razmatrana je informacija o dostavljenim odgovorima kantonalnih ministarstava unutarnjih poslova u vezi s podacima o ukupnome broju radnih mjesta za koja se traži čin samostalnog i čin glavnog inspektora, te podaci o broju samostalnih inspektora i glavnih inspektora sa stečenim zvanjem pravne, kriminalističke ili druge struke sigurnosnog smjera.

Na ovoj su sjednici članovi Neovisnog odbora upoznati s podacima koje su dostavili MUP-ovi Tuzlanskog kantona, Zeničko-dobojskog kantona, Unsko-sanskog kantona, Bosansko-podrinjskog kantona, Kantona Središnja Bosna, Posavskog kantona, Hercegovačko-neretvanskog kantona, Zapadnohercegovačkog kantona i Kantona 10.

Valja istaknuti da je odlučeno izraditi pregled ukupnoga broja radnih mjesta za koja se traži čin samostalnog i čin glavnog inspektora, te pregled podataka o stečenom zvanju u kantonalnim ministarstvima unutarnjih poslova u Federaciji BiH kao i FMUP-u, MUP-u Republike Srpske, Policiji Brčko Distrikta BiH, Državnoj agenciji za istrage i zaštitu (SIPA) i Graničnoj policiji BiH.

Zaključeno je do naredne sjednice sastaviti i izvješće o radu Neovisnog odbora za 2010. godinu te plan rada za iduću godinu.

Održana 3. sjednica Neovisnog povjerenstva

RAZMATRANA ODLUKA O SLUŽBENOJ ISKAZNICI ČLANOVA POVJERENSTVA

Na 3. sjednici Neovisnog povjerenstva za praćenje uvjeta boravka u zavodima, postupanje i poštivanje ljudskih prava osoba nad kojima se izvršavaju kaznene sankcije i druge mjere koje je izrekao u kaznenom postupku Sud BiH, strani sudovi za djela predviđena Kaznenim zakonom BiH ili međunarodnim ugovorom čija je potpisnica BiH ili drugi sud sukladno zakonu BiH usvojen je zahtjev, koji će biti upućen Tajništvu Parlamentarne skupštine BiH, za rješavanje pitanja vezanih uz uvjete rada Neovisnog povjerenstva.

Razmatrani su i prijedlozi Poslovnika o radu i Odluke o službenoj iskaznici članova Neovisnog povjerenstva. Tijekom razmatranja odlučeno je da tekst Odluke o službenoj iskaznici postane sastavnim dijelom teksta Poslovnika o radu Neovisnog povjerenstva. Na sljedećoj je sjednici usvojen Prijedlog poslovnika o radu spomenutoga povjerenstva.

Aktivnosti Odbora za žalbe građana na rad policijskih službenika u policijskim tijelima Bosne i Hercegovine

RAZMATRANE ČETIRI PREDSTAVKE NA RAD GRANIČNE POLICIJE I DVIJE NA RAD SIPA-E

Na 17. sjednici Odbora za žalbe građana na rad policijskih službenika u policijskim tijelima Bosne i Hercegovine, održanoj 29. studenoga, razmatrane su četiri predstavke koje se odnose na rad pripadnika Granične policije BiH. Sa sadržajem predstavi nazočne su upoznali: Mate Miletić, predsjedatelj, Amela Bašić, prva zamjenica predsjedatelja, i Ermin Pešto, član Odbora za žalbe građana.

Osim toga, razmatrane su i dvije predstavke na rad pripadnika Državne agencije za istrage i zaštitu (SIPA). O predstavkama su nazočne izvjestili Borislav Radić, drugi zamjenik predsjedatelja, i Marijan Miličević, član Odbora za žalbe građana na rad policijskih službenika u policijskim tijelima BiH.

Презентовани Стратешки план Секретаријата и Комуникацијска стратегија ПСБиХ за период 2011-2014.

Сви запослени у Секретаријату Парламентарне скупштине БиХ присуствовали су презентацији Стратешког плана Секретаријата и Комуникацијске стратегије ПСБиХ за период 2011-2014., која је одржана 28. децембра у Бијелој сали.

На изради ових докумената у протеклом периоду биле су ангажоване двије радне групе Секретаријата Парламентарне скупштине БиХ, тако да је ријеч о стратегијама које су, за разлику од досадашње праксе, у потпуности „домаћи производ“ ове институције. Ипак, треба истаћи да су значајну подршку изради ових стратегија пружили Мисија ОЕБС-а у БиХ и УСАИД-ов Пројекат подршке јачању парламента у БиХ.

Са каквом се сериозношћу приступило цијелом послу најбоље илуструје податак да је само Радна група за израду Стратешког плана Секретаријата ПСБиХ за период 2011-2014. године одржала 27 радних састанака, а у сврху укључивања што већег броја запослених у Секретаријату Парламентарне скупштине БиХ у цијели процес. Одржане су и радионице посвећене темама: „Увод у стратешко планирање“, „Методологија израде стратешког плана и акционо планирање стратешког плана“, „Стратешко планирање и развој визије“, те „Развој оперативних планова“.

Осим дефинисања визије и мисије



Чланови Радне групе за израду Стратешког плана за вријеме презентације

Секретаријата Парламентарне скупштине БиХ, новим Стратешким планом Секретаријата ПСБиХ су, на основу спроведених анализа и информација прикупљених из свих организационих јединица Секретаријата, утврђени јасни стратешки правци и циљеви, чија операционализација подлијеже мјерљивим и транспарентним критеријумима, а укључује све структуре и цијелокупне људске потенцијале институције. Због специфичности третираних питања, а која захтијевају нешто другачији методолошки али и оперативни приступ, у оквиру стратешког планирања за период 2011-2014. године израђена је засебна Комуникацијска стратегија Парламентарне скупштине БиХ.

Овом стратегијом настоје се обухватити сви аспекти комуницирања Парламентарне скупштине БиХ, те максимално оптимизирати постојећи и створити нови комуникацијски канали са спољним јавностима. Осим тога, један од циљева Стратегије је и поспјешивање те функционално нормирање унутрашњих комуникацијских канала у Парламентарној скупштини БиХ. У сврху операционализације стратешких праваца утврђених Комуникацијском стратегијом Парламентарне скупштине БиХ, предвиђен је наставак израде сета конкретних оперативних планова, елабората, али и нормативних аката.



Презентацији су присуствовали и чланови Колегија Секретаријата ПСБиХ

Визија Секретаријата ПСБиХ

Секретаријат Парламентарне скупштине БиХ је организована служба Парламентарне скупштине БиХ у којој запослени у свом раду стручно, професионално и ефикасно примјењују европске стандарде, креативна рјешења и нове технологије.

Мисија Секретаријата ПСБиХ

Секретаријат Парламентарне скупштине БиХ пружа стручну помоћ и подршку члановима Парламентарне скупштине БиХ у обављању њихових парламентарних дужности у складу са Уставом, законима и другим актима Босне и Херцеговине, с циљем стварања опремљеније, ефикасније и транспарентније Парламентарне скупштине БиХ.





СТРАТЕШКИ ПЛАН СЕКРЕТАРИЈАТА ПАРЛАМЕНТАРНЕ СКУПШТИНЕ БИХ ЗА ПЕРИОД 2011-2014.

	Стратешки правци		Стратешки циљеви
I	Унутрашњи односи и пословни процеси	1.	Унаприједити унутрашње односе и пословне процесе у Секретаријату
II	Иновације и професионално усавршавање	2.	Унаприједити квалитет стручних послова и подршке Парламентарне скупштине БиХ у обављању својих функција
III	Односи са парламентарцима	3.	Побољшати комуникацију са парламентарцима и омогућити ефикасан и транспарентан рад парламентарца
IV	Имиџ Парламентарне скупштине БиХ и Секретаријата	4.	Побољшати имиџ Парламентарне скупштине БиХ и перманентно упознавати и информисати јавност о њеном раду

ОПЕРАТИВНИ ПЛАНОВИ И ДОКУМЕНТИ ПРЕДВИЂЕНИ КОМУНИКАЦИЈСКОМ СТРАТЕГИЈОМ ПСБИХ

Правилник о унутрашњој комуникацији
Протокол о ажурирању и пласману информација на интранету
Правилник о кућном реду
Правилник о одијевању (dress code)
Годишњи програми усавршавања
Правилник о графичко-техничким стандардима Парламентарне скупштине БиХ
План промотивних активности и промовисања улоге парламентаризма и Парламентарне скупштине БиХ
Кризни комуникацијски план
Правилник о комуникацији са спољним јавностима
Приручник о комуникацији парламентарних тијела са спољним јавностима
Правилник о промотивним материјалима и сувенирима са визуелним идентитетом Парламентарне скупштине БиХ, са каталогом рјешења
Елаборат о могућности реализације јавних и културних програмских активност у просторијама зграде Парламентарне скупштине БиХ.

У оквиру припрема за спровођење нових стратегија ПСБиХ

Одржана радионица за руководеће државне службенике Секретаријата ПСБиХ

Као дио активности чија је сврха стварање претпоставки за што бољу операционализацију и спровођење Стратешког плана и Комуникацијске стратегије ПСБиХ за период 2010-2014. на Влашићу је од 6. до 9. децембра одржана радионица за руководеће државне службенике Секретаријата Парламентарне скупштине БиХ.

Иако је ово била прилика да службеницима Секретаријата први пут буду презентоване обје стратегије Парламентарне скупштине БиХ, ова радионица имала је и низ едукативних садржаја, а њихов циљ је био да учеснике упозна, или, пак, повећа њихове вјештине у области комуницирања у тиму и организацији. Будући да од комуницирања у највећој мјери зависи већина радних процеса, технике и вјештине које су учесницима презентоване требало би да олакшају реализовање стратешких планова Секретаријата Парламентарне скупштине БиХ, те да поспијеше њихово „спуштање“ на оперативни ниво.

Радионицу на Влашићу за руководеће државне службенике Секретаријата Парламентарне скупштине БиХ организовала је и финансирала Мисија ОЕБС-а у БиХ.



ОДШТАМПАНА ДОПУЊЕНА ИЗДАЊА ПОСЛОВНИКА ОБА ДОМА ПСБИХ

Секретаријат Парламентарне скупштине БиХ припремио је допуњена издања пословника оба дома Парламентарне скупштине БиХ који обухватају и измјене и допуне усвојене у новембру 2007. године и новембру 2009. године. Осим тога, ова издања пословника садрже и Устав БиХ, те Амандман I на Устав БиХ. Овим је обједињен материјал који се тиче структуре и рада Парламентарне скупштине БиХ.



НА КОНСТИТУИРАЈУЋОЈ СЈЕДНИЦИ ПОСЛАНИЦИМА ПОДИЈЕЉЕН ВОДИЧ

Секретаријат Парламентарне скупштине БиХ први пут је изradio Водич за посланике и делегате Парламентарне скупштине БиХ. Овај водич подијељен је посланицима на конститутивној сједници Представничког дома Парламентарне скупштине БиХ, а биће уручен и делегатима Дома народа. Треба нагласити да су реакције биле изузетно позитивне, а посланици су апострофирали да ће им Водич бити од велике користи у раду.

Иначе, Водич пружа информације о структури и начину рада Парламентарне скупштине БиХ, правима и дужностима изабраних званичника, раду Секретаријата, као и услугама које су доступне представницима законодавне власти БиХ. Водич није извор права, већ садржи информације и упућује на њихове изворе, односно правне прописе. Тако је, ради тачног и потпуног увида у његов садржај, потребно користити правне прописе којима су уређене одређене области, а на које Водич упућује.

Потребно је нагласити да је Водич урађен у форми регистратора, те је као такав подложен допунама новим садржајима.

На изради Водича за посланике и делегате била је ангажована посебна радна група Секретаријата Парламентарне скупштине БиХ, а носилац цијеле активности био је Информационо-документациони сектор.



Библиотека ПСБиХ

ОДРЖАНЕ ОБУКЕ ЗА КОРИШЋЕЊЕ EBSCO БАЗА ПОДАТАКА



У времену од 13. до 19. децембра 2010. године одржано је седам обука из "Основног претраживања EBSCOhost база података". Организатор обука био је Одјел за библиотеку Индок сектора Секретаријата Парламентарне скупштине БиХ уз подршку УСАИД-овог Пројекта јачања парламента у БиХ. На обуци је учествовало 130 полазника из Секретаријата Парламентарне скупштине БиХ, Дирекције за европске интеграције, Парламента Федерације БиХ, те библиотекари библиотека из цијеле БиХ и УСАИД-а. Предавачи су били лиценцирани представници EBSCO Publishingа Драган Николић и Махмут Џан Сојулмаз.

Такође, овом приликом Индок сектор је промовисао и Приручник за

претраживање EBSCO база података који је преведен и одштампан на језицима у службеној употреби у БиХ. Превод овог приручника значајан је за све истраживаче из цијелог региона.

EBSCO је иначе водећи свјетски сакупљач база текстова часописа, библиографских база и одговарајућих сервиса за све врсте библиотека, истраживачких организација и корпорација

Сектор за односе с јавношћу

ПОВЕЗУЈУ СЕ ИНТРАНЕТ, ДОКУМЕНТАЦИЈСКЕ АПЛИКАЦИЈЕ И ВЕБ-СТРАНИЦА ПСБИХ

У протеклом периоду почео је обиман рад с циљем функционалног повезивања парламентарног интранета, нових апликација из сфере документације и веб-странице Парламентарне скупштине БиХ те, у оквиру истог пројекта, потпуног редизајна званичне веб-странице Парламентарне скупштине БиХ.

Осим тога, овај сектор наставио је и своје уобичајене активности па је тако од 1. новембра до 31. децембра 2010. године Сектор за односе с јавношћу емитовао 58 информација за медије, а настављена је и реализације програма "Отворени парламент", у оквиру којег је 24. децембра одржано предавање за студенте Факултета политичких наука из Сарајева.

Примјена Закона о платама и накнадама у институцијама БиХ

У СЕКРЕТАРИЈАТУ ПСБиХ УЈЕДНАЧЕНО ПЛАЋАЊЕ ПОРЕЗА ЗА ЗАПОСЛЕНЕ ИЗ ФЕДЕРАЦИЈЕ БиХ И РЕПУБЛИКЕ СРПСКЕ

Недавно је донесена одлука да се уједначи плаћање пореза у Федерацији БиХ и Републици Српској за све запослене у Секретаријату Парламентарне скупштине БиХ. Тим поводом доносимо вам и дио текста из извјештаја Канцеларије за ревизију институција БиХ за 2009. годину.

Ревизијом примјене Закона о платама и накнадама у институцијама БиХ утврђено је да има одређених одступања у обрачуна плата за запослене у институцијама БиХ, зависно од тога из којег ентитета долазе. Законом о платама и накнадама у институцијама БиХ прописано је да се обрачун плата врши путем централизованог система, а да је Министарство финансија и трезора надлежно за надзор над спровођењем наведеног закона.

У члану 3. став 1. наведеног закона наводи се: „Приликом одређивања износа плата и других накнада запосленима у институцијама БиХ биће поштован сљедећи принцип:

а) Иста плата за исти посао: У складу са овим принципом, запослени у институцијама БиХ који обављају исте и сличне послове примаће исту основну плату, односно радна мјеста из различитих институција БиХ на којима се обављају слични послови сврстаће се у исти платни разред...

Такође, према члану 52. став 3. Закона о платама и накнадама у институцијама БиХ: ‘Обрачун пореза и доприноса на укупна примања запослених у институцијама Босне и Херцеговине врши се примјеном законских прописа према мјесту пребивалишта запосленог’.

Мишљење ревизије је да претходно наведена одредба на одређени начин задира у изворне надлежности ентитета, те је из тих разлога и дошло до различитих тумачења као и начина примјене важеће регулативе у сврху обрачуна пореза и доприноса.

Наиме, приликом прерачуна нето плате из 2008. године у бруто плату која представља основицу за обрачун доприноса за запослене са пребивалиштем у РС примјењен је члан 7. Упутства о начину обрачуна и уплате доприноса („Службени гласник РС“, број 127/08), што представља пропис Закона о доприносима РС („Службени гласник РС“, бр. 51/01, 96/03, 128/06 и 120/08).

За израчунавање основице за обрачун доприноса (бруто) за запослене у институцијама БиХ који имају пребивалиште

у ФБиХ примјењене су одредбе члана 49. Закона о порезу на доходак („Службене новине ФБиХ“, број 10/08).

Наведена два начина израчунавања основице за обрачун доприноса у коначници су имала за последицу различите износе нето плате за запослене који раде исти посао и налазе се у истом платном разреду, зависно од тога да ли имају пребивалиште у РС или ФБиХ.

Сматрамо да је важно напоменути да кључне одредбе Закона о порезу на доходак (основица за обрачун, порезни обвезник и сл.) у оба ентитета немају суштинских разлика.

Одредбама члана 52. став 3. Закона о платама и накнадама у институцијама БиХ дата је могућност Министарству финансија и трезора БиХ да примјени релевантне законске прописе према мјесту пребивалишта запосленог при израчунавању основице за обрачун доприноса након увођења пореза на доходак.

Будући да је примјеном члана 7. Упутства о начину обрачуна и уплате доприноса („Службени гласник РС“, број 127/08) запосленима у институцијама БиХ са пребивалиштем у РС износ нето плате остао непромијењен и након почетка примјене Закона о порезу на доходак, а да је почетком примјене наведеног закона за запослене са пребивалиштем у ФБиХ дошло до смањења нето плате запослених у односу на нето плату из 2008. године, по мишљењу ревизије, то је довело до одступања од основног принципа из члана 3. став 1. тачка а) Закона о платама и накнадама у институцијама БиХ (иста плата за исти посао).

По мишљењу Канцеларије за ревизију институција БиХ, да би се испоштовао принцип иста плата за исти посао, Министарство финансија и трезора БиХ имало је могућност да примјени све релевантне законске прописе, у шта се убрајају и подзаконски акти (упутства и правилници који представљају разраду закона), што и само Министарство потврђује примјеном члана 7. Упутства о начину обрачуна и уплати доприноса за запослене који имају пребивалиште у РС.

Наиме, да је Министарство примјенило законску могућност на начин да примјени одредбе члана 20. Правилника о начину обрачунавања и уплате доприноса („Службене новине ФБиХ“, бр. 64/08 и 81/08) приликом израчунавања основице за обрачун доприноса за запослене који имају пребивалиште у ФБиХ,

био би испоштован принцип из члана 3. Закона о платама и накнадама у институцијама БиХ, те би запослени који имају пребивалиште у РС односно ФБиХ имали исте износе нето плате у коначници, ако имају једнак лични одбитак при обрачуна пореза на доходак.


Ревизија сматра да је МФТ (Министарство финансија и трезора) имало правни основ да за запослене у институцијама БиХ који имају пребивалиште у ФБиХ примјени члан 20. Правилника о начину обрачунавања и уплате доприноса. И поред чињенице да ентитет ФБиХ примјењује члан 49. Закона о порезу на доходак при израчунавању основице за обрачун доприноса, сматрамо да је МФТ, приликом одређивања о начину прерачунавања плата за запослене са пребивалиштем у ФБиХ, требало да има у виду одредбе члана 3. Закона о платама и накнадама у институцијама БиХ.

С тим у вези истичемо да члан 52. Закона о платама и накнадама у институцијама БиХ упућује на примјену законских прописа према мјесту пребивалишта запослених када је у питању начин обрачуна пореза и доприноса, што значи да се МФТ-у даје могућност да користи све прописе у ентитетима којима се регулише ова проблематика, што подразумијева и Закон о доприносима у ФБиХ, те Правилник о начину обрачунавања и уплате доприноса.

По мишљењу Канцеларије за ревизију, уз примјену члана 20. наведеног правилника било би могуће испоштовати основне принципе Закона о платама и накнадама у институцијама БиХ (члан 3).

У члану 20. наведеног правилника наводи се да се он може примјенити када је плата са запосленим уговорена у нето износу, што је случај са запосленим у институцијама БиХ, мада је постојала обавеза према Закону о порезу на доходак да се плата обрачунава у бруто износу, што МФТ није учинило.


На крају закључујемо да је МФТ требало да води рачуна о задовољењу принципа ‘иста плата за исти посао’ приликом разматрања и анализе ефеката примјене различитих могућности обрачуна плата за запослене из оба ентитета. С тим у вези, с обзиром да су због тренутног начина обрачуна оштећени запослени који имају пребивалиште у ФБиХ, требало је примјенити све законом дозвољене варијанте у обрачуна плата за запослене који имају пребивалиште у ФБиХ како би наведени принцип био испоштован.



Bilten PSBiH je štampan uz finansijsku podršku USAID Projekta jačanja parlamenta u BiH. Sadržaj ove publikacije je odgovornost PS BiH i ne mora nužno odražavati mišljenje USAID-a ili Vlade Sjedinjenih Američkih Država.

Bilten PSBiH je tiskan uz finansijsku potporu USAID Projekta jačanja parlamenta u BiH. Sadržaj ove publikacije je odgovornost PS BiH i ne mora nužno odražavati mišljenje USAID-a ili Vlade Sjedinjenih Američkih Država.

Билтен ПСБиХ је штампан уз финансијску подршку USAID Пројекта јачања парламента у БиХ. Садржај ове публикације је одговорност ПСБиХ и не мора нужно одражавати мишљење USAID-а или Владе Сједињених Америчких Држава.



Parlamentarna skupština Bosne i Hercegovine

Trg BiH br. 1, 71000 Sarajevo

Telefon / centrala: +387 33 219 923

Fax: +387 33 233 480

e-mail: omar.filipovic@parlament.ba

www.parlament.ba
